

Mazarin  
1059

La Voix du peuple de Provence



UNIVERSITY OF N.C. AT CHAPEL HILL



00023014364

RARE BOOK  
COLLECTION



THE LIBRARY OF THE  
UNIVERSITY OF  
NORTH CAROLINA  
AT  
CHAPEL HILL  
Mazarin  
4059



*Morcan  
4059*

LA VOIX  
DV PEUPLE  
DE PROVENCE.

Contre les armes de Monsieur  
le Comte d'Alais.


---

M. DC. XLIX.



DAVEVLE





# LA VOIX DV PEUPLE DE PROVENCE,

CONTRE LES ARMES  
*de Monsieur le Comte d'Alais.*

**B**ON DIEU, que tardez-vous de châtier aux yeux de vostre peuple des attentats si execrables? On vole, on pille, on ravage, on viole, on embrase les villes & les campagnes, on les fait nager dans les meurtres & dans le sang, & vous differez, Seigneur, d'escraser ces testes criminelles? Deliurez vostre peuple qui perit par la faim, par le feu, par le fer, en faisant perir l'auteur de tous ses maux. Vostre Iustice doit la punition d'un coupable à la deliurance d'un million d'innocens. Les cris de tant de veuves à qui on a massacré leurs marys; le desespoir de tant de meres pour l'honneur qu'elles ont veu ravir à leurs filles sans pouvoir les garantir: Les larmes de tant de peres qui ont veu esgorger leurs enfans, & l'orreur de tant de familles qu'on a réduit à l'extreme misere par les saccagemens & les embrasemens, reclament incessamment vostre iuste vengeance.

Vous ne pouvez pas, Grand Dieu, la refuser pour le salut de toute vne Prouince malheureusement opprimée par celuy qui estoit estably pour la deffendre, & qui bien loin de la proteger des violâces estrangeres, paroist en teste d'une Armée pour la destruire luy-mesme: Qui bien loin de la faire jouyr des libertez esquelles la cle-



mence du Roy venoit de la reſtablir, il veut la rendre ſon eſclaue, & luy raurir tous les Priuileges que la bonté de ſon Prince luy a ſi liberalement accordés : Qui bien loin de luy conſeruer cette paix que les Declarations publiques luy auoient redonnée, luy declare ouuertement la guerre, y fait entrer hoſtilement des troupes ſans les ordres du Roy pour executer ſes vengeanceſ : & par vn redoublement de crime il arme contre leur propre mere les mains paricides des mauuais Citoyens, & les pouſſe en frenetiques à ſe porter eux-mesmes la dague dans le ſein, & deuorer comme Dragons acharnez leurs enfans & leurs freres, & les enſeuclir ſoubs les ruynes de leur patrie, pour laiſſer à la poſterité des marques de leur perfide cruauté.

Et pour couronner ſes oppreſſions, il traite de rebelles & d'ennemis de l'Eſtat : Il menaſſe d'exil & d'incendie tous les fidelles compatriotes qui s'oppoſent à ſes rauages, & qui expoſent genereuſement & leurs biens & leurs vies pour le ſalut public. Il veut faire paſſer pour le plus noir de tous les crimes la deffence de leur Pays, & par vne profanation inſigne condamner de trahiſon vne ſi eminente vertu. Choeſe eſtrange ! de vouloir ſupprimer vne loy que la Nature a grauee dans le cœur de tous les hommes, de vouloir rendre criminel vn deuoir de charité que les Payens meſmes reuerent, & effacer vne obligation que toutes les parties ſe doiuent pour le ſoutien du corps qu'elles compoſent ? C'a eſté parmy tous les peuples vne action heroïque & ſacree de s'immoler pour le ſalut de ſa Patrie, & icy c'eſt vn attentat de ne conſpirer pas à ſa ruyne : On ordonnoit des recompenſes

Non  
Dre



ses & de couronnes à ceux qui auoient sauué leurs Concitoyens: & icy on prepare des supplices à ceux qui ne protegent pas leurs ennemis, ou qui reffusent de signer des ligues contre les libertez publiques: On mettoit parmy les Dieux ces Heros qui auoient exposé leurs vies pour garantir celles de leurs Compatriotes: & à present on menasse du gibet, ou on punit d'un exil ceux qui ne conjurent pas à la perte de leurs Concitoyens.

En effet, nostre persecuteur au prejudice d'un droit si legitime & si naturel, & à la honte du Christianisme, n'a il pas porté ses armes contre Draguignan pour forcer sa fidelité. N'a il pas proscrit de Tarascon & de Tholon les plus importantes familles pour auoir tesmoigné leurs iustes sentimens à l'interest public, comme si ce zele pour la patrie estoit vn mal contagieux. N'a il pas exilé de Brignolle avec scandale tous les Officiers de iustice, & fait emprisonner honteusement l'un de ses principaux Chefs? N'a il pas en teste de ses troupes menassé Tretz de degast s'il ne luy ouuroit ses Portes, que ce genereux village luy a si constamment fermées en veüe de toute son armée sans s'esbranler de ses courses ny de ses menasses? N'a il pastasché de surprendre par des Lettres de cachet anterieures aux ordres subsequents qui les reuoquent, dont Monsieur d'Estampes est le porteur, deux cens principales villes de la Prouince qui ont paru inescbranlables au service qu'elles doiuent au bien de leur Païs? Enfin, n'a il pas non seulement descrié dans l'une de nos capitales villes ceux qui vouloient deffendre ses libertez, & les garantir de la seruitude à laquelle il la soumet insensiblement par des apparences trompeuses:



mais encores fait dresser plusieurs fois des embusches pour les y faire assassiner, les preuues en estans dans des lettres qu'on a interceptées & enuoyées à sa Majesté pour luy demander Iustice, en faueur de ceux qui pour auoir sellé de leur sang leur fidelité inuiolable au seruice de leur Prince, & de leur Patrie, sont traitez de factieux & de rebelles dans ses Manifestes, parce qu'ils se sont opposez à ses rapines & à ses injustes desseins.

Et que n'a il tenté contre cette illustre ville d'Aix, pour auoir monstré tant de zele & de chaleur à la cause publique? Ne l'a il pas blasmée d'intelligence avec l'Espagne, parce qu'elle n'en a point voulu auoir avec le perturbateur du public? N'a il pas donné le nom de rebellion à sa fidelité? N'a il pas poursuiuy l'exil de ses Cours souueraines, parce qu'elles n'ont pas voulu fléchir aux iniustes demandes qu'il a fait au País? N'a il pas demandé le demantelement de ses murailles, afin qu'elles fussent ouuertes au pillage de ses funestes troupes: & tout presentement ne vient il pas de rauager ses terres, brusser les granges, enleuer les grains & les bestiaux, declarer la guerre aux bœufs, aux asnes, & aux poules, & laissé par tout son terroir l'horreur, la famine, les cris, & la mandicité par des exploicts illustres & dignes d'un si grand conquerant.

Ce sont là les effets de la vangeance qu'il a depuis long temps iuré contre la ville d'Aix: les Propheties qu'on auoit hautement publié dans sa maison à sa sortie d'Aix, qu'il n'y reuiendroit iamais qu'à main armée, sont enfin accomplies. Il ne niera plus maintenant qu'il n'aye commandé la guerre, puis que ses desseins paroissent à décou-



uert, & que tant d'apareils auxquels on traualloit depuis plus de quatre mois, iustificient clairement qu'il l'auoit preparee, & les vains pretextes qu'il prenoit de l'escorte des Commissaires, sont entierement dissipez, puis que ses troupes estoient comme de personnages qu'on tient cachez sous la tapisserie qui parurent le mesme iour, & coururent à leur passage pour les sacrifier à sa rage s'ils n'eussent esté en estat de deffence.

Quoy donc la ville d'Aix estoit elle criminelle d'auoir pourueu à la seureté de ses Magistrats? Estoit-ce bien vn suiet legitime de proclamer la guerre, de faire deuorer la Prouince, de porter par tout le fer & le feu, & de declarer les Corps de la Iustice souueraine rebelle? Est-ce rebellion de conseruer au Roy sa Patrie, & d'y appuyer la Iustice? Est-ce reuolte de vouloir maintenir contre la violence les Priuileges de son Pays, & les Declatations de son Prince? Est-ce perfidie de defendre d'oppression ses Iuges legitimes, & d'empescher la Iustice d'estre esclauée des volontez d'autrui, ou d'estre administree par les supposts d'une autorité iniustement vsurpee.

Non, non fidelle ville d'Aix, ce n'est pas là ton crime, c'est qu'il te reste encore du sang dans tes vaines que l'on veut elpuiser iusques à la derniere goutte; on veut que tu payes en vne seule fois ce que les autres villes ont payé depuis vnze anneés de son Gouvernement: Il a espuisé les ruisseaux, il veut en prendre dans les riuieres, il veut ouuoir toutes les veines, il en veut auoir de toutes parts: Les huit monstres par an payees à son Regiment lors mesmes qu'il tiroit la solde du Roy, ne l'ont pas rassasié: l'vsure de dix pour cent pour chaque Compagnie, les



cent escus par iour pour la Compagnie d'Ordonnance, & les rançonnemens exigez pour les logemens des Soldats ne le satisfont pas: les deniers reuenans bons, les sommes immenses que les passeports des bleds, & la participation au cartier d'Hyuer ont ietté dans ses coffres ne suffisent pas: les vingt huit mil liu. du siege de Tholon, les soixante quatre mil d'assignation sur le Semestre, ny enfin les leuees indicibles sur le peuple que les Comptes du Pais & ceux de toutes les Communautez iustifient, n'ont pas esté suffisantes pour assouuir son avarice: Il luy faut le pillage d'Aix, les rauages de son Terroir, & de toutes les villes voisines.

Et parce que les Compagnies Souueraines sont les seules dignes qui peuuent s'opposer à ce torrent qui entraine le reste de nos biens, il les descrie dans son dernier libelle plus digne du feu, que de responce, comme remply d'ineuectiues infames & de calomnie punissables: Il publie le Parlement apres l'auoir traicté d'impie, de sacrilege, d'Athée, d'infame, & de corrompu, pour Autheur des Edicts qui furent subrogez aux Presidiaux, & l'accuse mesmes d'y auoir profité de grandes sommes: Mais les Registres du Conseil du Roy & ceux du Parlement, tesmoins irreprochables de son innocence, conuainquent de faux cette imposture: car ils iustifient que le Roy ayant veu l'Edict qui luy estoit ruineux & à tout le public, soit pour la multiplicité des Offices, soit pour la diuision de la Iustice Souueraine, laquelle eust entraîné vne infinité de desordres & de contentions dans toutes les villes, surtout en vn ressort de si petite estenduë. Le Roy meu de ses raisons accorda la suppression de cet Edict, mais il  
voulut



voulut pour la necessité de ses affaires que le Traictant qui luy auoit fait des aduances, eust son remboursement sur des autres Edicts.

Parlez Declamateur à gages, en quoy le Parlement est il coupable? n'est ce pas au Partisan de l'Edict des Presidiaux que tous les Edicts doiuent estre iustement imputez, puis qu'il en sont les Autheurs & les Parties qui les ont poursuiuis pour leur interest & leur remboursement. Tout le monde les connoist, ces infames Compatriotes deserteurs de la ville d'Aix, d'où les remors de leurs conscience les a chassez pour s'aller ioindre à celuy qui les a tousiours protegez, & avec lequel ils conspirent maintenant de la ruine de leur Patrie: Tout le monde sçait que ce sont ceux-là mesmes qui ont trempé à toutes les nouveautez, & qui ont esté employez pour les Partisans des Requestes.

C'est à eux qu'il faut s'en prendre pour tous ces Edicts, & non pas au Parlement qui n'en est ny l'auteur, ny la cause; & pleust à Dieu qu'il eust dépendu de luy de les empescher, & d'en soulager la Prouince! Qui peut douter qu'il ne l'eust fait avec ioye? car quand le zele que ses Officiers ont au soulagement du peuple, quand leur conscience & leur honneur ne seroient pas des motifs assez pressans pour les porter à ce deuoir, n'y seroient-ils pas assez obligez par leur interest propre, & par celuy de leurs enfans, de leurs freres, & de tous leurs parents, qui s'y trouuent interessez dans l'interest public: Peut-on desoler la Prouince qu'ils ne se trouuent enuoloppez dans cette desolation? Peut-elle perir qu'ils ne perissent avec elle, comme estans des principaux membres de ce



corps, & leurs biens, leurs terres, & leurs maisons y estans enclauées.

Aussi qu'on parcourre les registres de l'une & l'autre Cour, & on y trouuera plus de soixante Edicts pernicious à la Prouince rejettez, nonobstant les iussions reiterées, voire depuis dix ans combien les Officiers de ces deux Compagnies ont ils souffert de creuës, de citations, & des interdictions sur le refus de quantité d'Edicts, mesmes de l'Eslection, des Auditeurs des Comptes, des taxes sur les aisez, du cinq pour cent, de la Comptabilité, des taxes sur chaque ville, & de tant d'autres dont les registres font foy, qui alloient à la subuersion entiere du Pays, à la conseruation duquel ces deux Cours sont trop attachées par toute sorte de deuoirs & d'interests pour s'en départir iamais.

Et pleust à Dieu que celuy qui les accuse fust interessé comme eux dans nos pertes & dans nos souffrances, il ne les causeroit pas comme il fait ! Pleust à Dieu qu'il eust des freres, des enfans, & des parents engagez dans les malheurs qu'il nous procure, il se lairoit toucher à la compassion ! Pleust à Dieu qu'il eust des biens & des maisons que l'embrasement peust reduire en cendres, il ne l'auroit pas excité comme il a fait.

Mais les interests sont bien differents des nostres, tant s'en faut qu'il perde dans nos pertes, ny qu'il souffre dans nos souffrances, qu'il en rit & en profite, il ne peut s'enrichir que de nos despoüilles, il ne peut grossir que de nostre substance, il ne peut s'esleuer que sur les ruines de nos villes & de nos murailles qu'il tasche d'abattre, il ne peut se fortifier qu'en nous affoiblissant, il ne peut nous



soulmettre à son ambition qu'en nous diuisant, ny s'vsurper cette autorité souueraine à laquelle il vise si ouuertement, qu'en deprimant toutes les puissances qui peuuent luy resister, qu'en eslongnant des emplois les personnes zelées pour le public, & des interressées; & jet-tant le schisme dans tous les corps pour nous perdre par nous mesmes.

Et c'est pour cela qu'il auoit forgé cette funeste Chambre des Requestes pour se faire vn Party dans le Parlement, & soulmettre les trois Estats de la Prouince en leur donnant des luges dependans de sa volonté: C'est pour ce mesme dessein qu'il transforma cette Chambre en Se-mestre pour nourrir des contentions perpetuelles dans ce corps, & se rendre le Maistre de la Iustice, & des Arrests, & de la verification de toute sorte d'Edicts sur le peuple, ayant tousiours mis en vsage cette pernicieuse politique qu'ieut diuiser pour regner, de laquelle se sont seruis tous ceux qui ont voulu vsurper vne autorité tyrannique sur les peuples, & affoiblir le pouuoir des Princes legitimes, ou opprimer le droit des Sujets: car ils ont tousiours visé là de jeter la diuision dans les Cours Souueraines, que nos plus Grands Roys ont avec raison establies comme les rampars de leur puissance, les Depositaires de leur Iustice, & l'ostage de l'amour qu'ils ont pour leurs Sujets, ayant iugé que la grandeur de leur Estat, & la fidelité de leur peuple ne pouuoit estre conseruée que par ces nobles Corps de Iustice qui dispensent les supplices & les recompens, & defendent les peuples des injures & des malheurs bien loin de les y precipeter.

Aussi n'a-on iamais entrepris d'abattre ces Corps Illu-



stres que pour faire ouuerture aux Edicts sur le peuple, enuahir les biens des Prouinces, & rendre la fortune publique dependante de l'ambition d'un seul.

Et sans que nous cherchions ailleurs, chers Patriotes, des preuues de cette verité, nos miseres presentes nous la rendent trop insensible : Nous nous abusions de croire que Mr. le Comte d'Alais eust introduit ces nouueantez à dessein d'abatre le Parlement, car il sçait assez que ce Corps est trop vaste & trop estendu pour petir de ses coups, & que la Iustice n'est pas moins inébranlable que la Majesté Royale qui en est le principe & l'appuy, c'est à nous seuls qu'il en veut, quand il tasche d'ébranler ces Colomnes qui soustiennent nos fortunes & nos familles; c'est à nos biens, à nos personnes, & à nos libertez que ses desseins visent, quand ils s'en prend aux Pasteurs qui veillent pour nostre defence, & qui s'opposent à ces Loups rauissans qui cherchent de nous égorger.

Si le Parlement eust voulu estre complice de ses pernicieux desseins, s'il eust voulu consentir à ses demandes, s'il eust voulu se rendre souple à ses volonteiz, & abandonner l'interest du public, il n'y auroit iamais eu de Requestes, nous ne connoistrions pas seulement le nom de Semestre, & le Parlement n'eust pas esté vexé par tant de citations, de pertes, & d'exils, il eust vescu avec luy dans vne estroite vnion; mais parce qu'on n'a pas voulu flechir à ses intentions contraires au bien public, il a voulu subroger d'autres Iuges de sa dependance, sans se soucier de profaner la Iustice par le choix de Docteurs de huit iours, sans estude, & sans experience, & de personnes mesprisables, ou par leurs naissances, ou par leurs



leurs humeurs, pourueu qu'ils fussent des ministres de  
 ses volonte, & des executeurs aucugles de ses desseins.  
 Aussi d'abord qu'il eut ietté dans ce Corps ces parti-  
 sans de ses interests, & qu'il y eust mis par ce moyen la  
 diuision, il fit clairement connoistre que tous ces artifi-  
 ces qu'il auoit employez n'auoient autre obiect que l'es-  
 leuement de son ambition, & l'assouissement de son  
 auarice.

Nous recogneumes à l'instant dans nos Hostels de  
 Ville nos Priuileges cassez, nos libertez violees, nos Es-  
 lections Consulaires aneanties, & en suite nos contri-  
 butions accreues, nos deniers enleuez, & nos fortunes  
 espuisées. Nous trouuâmes dans toutes nos villes & nos  
 Campagnes des vestiges sanglans de ce funeste Regi-  
 ment, des Contracés passez par les armes, des Transa-  
 ctions esrites avec le fer de vangeances, de meurtres, &  
 des hostilitiez effroyables.

Et si nous donnons la liberté à tous les oppressez de se  
 plaindre, nous trouuerons vne infinité de gens de bien  
 de tous endroits qui ont porté le joug de la domination,  
 & souffert ses oppressions dans le silence, pource que les  
 plaintes les plus iustes estoient purées, iusque là qu'il  
 nous a souuent empesché d'aller porter nos remonstran-  
 ces aux pieds de leurs Maiestez par des menaces qu'il a  
 souuent fait à diuers Deputez, & depuis trois iours n'a il  
 pas fait arrester nos Courriers, & enleuer nos pacquets  
 contre tous les droicts de la Saue-garde publique pour  
 preuenir le Conseil du Roy, & nous oster le moyen de le  
 detromper de ses calomnies.

Quoy donc serons nous tousiours insensibles à nos  
 miseres? ce Tonnerre qui vient d'esclatter n'est-il pas as-



sez resonnant pour nous éveiller, & nous obliger de re-  
 uenir à nous mesmes ? Qu'attendons nous de rendre à  
 nostre Patrie la fidelité que nous luy deuons ? Il n'est  
 plus temps de luy différer nostre secours, & de nous  
 mettre en defêse ; Car enfin cette espaisse nuee avec qui  
 s'estoit enflée du sâg innocent & des larmes des peuples,  
 degorge le sang qu'elle auoit attiré, & verse les larmes  
 dont elle est abreuee : Elle a enfin paru cette armee des  
 vangeances pour nous fouler aux pieds, & exterminer  
 vn nombre d'innocens.

Iamais marche des Empereurs Romains a esté plus  
 pompeuse, & iamais l'Histoire nous a marqué des  
 haults faits plus celebres d'un General d'Armee. Il fit son  
 premier logement dans Auriol pour s'auancer à Tretz  
 qu'il auoit menassé d'un siege, mais la genereuse resolu-  
 tion qu'il vid aux habitans de se vouloir deffendre, luy fit  
 tourner ses armes triomphantes toutes chargées de des-  
 pouilles des pauures Laboureurs, de bœufs & de mulets  
 qu'on emmenoit captifs vers les pres de Gardanne d'où  
 il vint le lendemain faire sommer la ville d'Aix de se ren-  
 dre, & apres auoir pillé & bruslé son terroir, il fila à A-  
 guilles, & de là à la Fare petit Bourg du Sieur President  
 d'Oppede, où il fut repoussé avec la perte de quelques-  
 uns de ses Cavaliers, laquelle il creut de venger en luy  
 faisant brusler vn gerberon de bled. Le iour suiuant s'e-  
 stant présenté à Sallon qui est au Sieur Archeuesque  
 d'Arles, il y fut reffusé & contraint de se ietter dans Pel-  
 lissans village voisin, où il s'est retranché.

Il a durant toute sa marche rendu durant dix iours des  
 combats si illustres, & fait de si glorieuses conquestes,  
 qu'on ne doit pas taire à la posterité les plus importantes,



qui sont, Qu'on a par tout forcé la bourse des pauvres villageois. Qu'on a violé les filles en l'âge de neuf ans: Massacré les rentiers de la grange du Sr. de Fuveau: Enleué deux femmes d'entre les mains de leurs maris: Assommé à force de coups trois païsans d'Auriol apres auoir rauagé tout ce pauvre village appartenant à Mr. le Cardinal de Lyon, auquel il rend par là l'eschange des signalez bienfaits qu'il auoit reçu du feu Cardinal son frere: Qu'on a chassé les habitans de leurs maisons, ou contrains de les abandonner pour ne pas voir de si funestes spectacles: Qu'apres s'estre gorgez de vin & de viandes, & de toute la substance de leurs miserables hostes, on a versé confusément dans les ruës à Gardanne les farines, les grains, les huiles & le vin, & brulé les fourrages qu'ils n'ont peu cōsumer: Qu'on a emmené tous les bestiaux, emporté les matelats, les linges & vaisselle, & brulé dans les places les meubles qu'ils n'ont pû emporter: Et qu'enfin on a exercé toutes les hostilitéz que les Chrestiens ne pourroient pas mesmes apprehender du Turc s'il entroit dans nos villes.

Ne sçait on pas qu'une pauvre femme d'Aubagne luy ayant porté plainte du cruel & brutal violemēt de sa fille âgée seulement de neuf ans, il fit en apparence condamner à la mort le coupable, mais par vn ordre secret il le fit tirer du gibet par vn mespris ouuert à la Iustice de Dieu & celle des hommes: Aussi tant d'autres filles rauies par ses troupes, & tant d'autres femmes violees, ne demandent plus Iustice qu'à Dieu de ces horribles crimes, puis qu'elles n'en peuuent auoir des hommes.

Faloit il moins esperer de cette armée qui n'a point d'autre subsistance que le larcin, n'y d'autre sujet qu'un



ne injuste vengeance, aussi tous ses progres les plus illustres sont les bruslemens & les saccages des metairies dans le terroir d'Aix, & l'incendie des gerbes & des moissons qui sont encores aux champs: l'enleuement des bestiaux, le couppeement des arbres, enfin la desolation vniuerselle de la campagne.

Aussi à voir le bagage de cette armee composé d'un nombre infiny de bœufs, de brebis, d'ânes, de mulets, de poules, de iuments, de toute sorte de hardes, meubles, vstancilles, & habilemens des pauures habitans qu'on a impitoyablement despoüillez: ne diroit-on pas que c'est vne armée de frippiers dans vn marché infame de larrecins & de brigandages, conduit par des picoréurs qui sont insensibles aux larmes des Villageois & des Labours qui les reclament: On y voit vendre comme à vn inquant public, toute sorte de meubles & de danrées, & comme dans vne Foire on y voit impunément vn debit ouuert de toutes leurs voleries.

On a veu cette glorieuse armee camper deuant vne mestairie du Sr. Barate d'Aix, qui s'est attaché courageusement aux interets de sa Patrie, & quitté ceux de Mr. le Comte d'Alais, qui par vn acte memorable de vengeance commanda qu'on y mist le feu en sa presence, pour auoir le mesme plaisir que voulut auoir Neron de voir brusler la ville de Rome, n'ayant pas mesmes esparagné au terroir d'Aix les maisons de plaissance où il auoit souuent aux despens du maistre pris ses recreations.

Bref, luy qui proteste dans ses Manifestes qu'il ne declare la guerre qu'à la seule ville d'Aix, pour quoy a-il desia desolé toute cette Prouince, & réduit à l'extremité de a misere & de la faim tous les lieux qui l'ont reçu: il en a emporté



a emporté plus de trois cens mil liures : il a gasté tout ce qu'il n'a pû emporter, & ruiné indifferemment tous les lieux ou par les subsistances, ou par ses logemens.

Helas ! quels crimes auoient commis ces pauvres villageois pour estre punis de la sorte ? Que deuiendront tant de pauvres familles errantes dans dans les champs qui broutent l'herbe pour viure ? Ne sont ils pas Chrestiens, & fideles sujets du Roy ? Pense-on que Dieu n'écoute pas leurs plaintes, & que leurs cris n'attire la colere du Ciel.

Mais ce n'estoit pas assez à cette armée criminelle de s'en estre prins contre les hommes, elle a voulu s'en prendre contre Dieu mesme : C'estoit trop peu d'auoir corrompu la virginité des filles, d'auoir pollué la saincteté des Mariages, des'estre souillée du sang des innocens, & d'auoir laissé par tout les marques sanglantes de sa cruauté, elle a encore voulu prophaner la saincteté des Autels, & commettre vn sacrilege le plus horrible qu'on puisse conceuoir dans la Chappelle d'une maison aux Champs du Sieur de Gauthier Conseiller au Parlement, où apres auoir porté leurs mains impies sur vn Calice qu'ils ont emporté, ils acheuerent leur sacrilege par le brisement à coups de matreaux de la pierre sacrée de l'Autel par cent coups de poignard, dont ils percerent vne Image qui representoit la sainte Vierge tenant Iesus entre les bras, & par le deschirement des ornemens Sacerdotaux qui furent mis en pieces, & iettez dans le feu qui acheuoit de bruster tout le bastimēt & tous les meubles de cette belle maison qui fut reduite en cendres, & apres les vignes arrachees, les arbres coupez, les gerberons brûlez, & tous les bestiaux & les meubles precieux enleuez.

Grand Dieu ! quiauez voulu estre appelé le Dieu des Armees, souffrirez vous qu'on prenne les armes contre



vous mesmes, & qu'on les employe pour commettre des impietez & des sacrileges si execrables? Permettez-vous qu'on en abuse en des vengeances si inhumaines? & que le pauvre dont vous avez prins tant de soin, que vous recommandez si estroitement comme vostre propre personne, & que vous avez racheté de vostre sang aussi bien que les Princes, perisse sous le fais de tans de persecutions? Et cette voix qui s'esleue de la terre sera elle pas portée iusques à vostre Throsne pour attirer sur les intracteurs de vos loix les carreaux de vostre indignation.

Il le faut esperer, & cependant defendons nos biens avec honneur, ne les abandonnons pas à la mercy de cette multitude de voleurs, qui sous le nom d'une armee du Roy exercent vn vilain brigandage: Defendons la cause commune, puis qu'il nous monstre que c'est à toute la Prouince qu'il en veut: Nous en auions vne preuue litterale par les demandes qu'il fit à Messieurs les Deputez du Languedoc, dont il n'y en a pas vne seule qui ne regarde l'interest du Corps du pays: Mais nous en auons à present vne conuiction plus pressante par les effects de ses armes, puis qu'il traicte avec tant d'inhumanité iusques à ses hostes, & ceux qu'il appelle ses amis, & qu'il rauage par tout indistinctement.

Ce n'est pas icy, Cher Peuple, vne querelle particuliere: Ce n'est pas l'interest singulier d'aucune ville ny d'aucune Compagnie, tout l'interest de cette guerre est public, il touche toutes les villes & toute la Prouince esgalement. Et neantmoins ô aveuglement estrange! toutes ne conspirent pas esgalement au salut de la cause publique: Ouurez les yeux enfans qu'on a desbauchez d'un deuoir si naturel, reuenez à la voix de la Prouince vostre Mere qui vous rappelle & vous demande secours.



Posez les armes criminelles que vous veulent enfon-  
 ser dans son sein : Que croyez vous de pouuoir recueil-  
 lir des cendres de vostre Patrie dont vous poursuiuez  
 l'embrasement. Pensez vous bien vous engraisser des  
 cadavres de vos Compatriotes que vous allez immoler  
 à la vengeance d'un ennemy public. Pretendez-vous de  
 vous enrichir du pillage que vous sçauiez estre promis  
 aux estrangers ? Enfin voudriez vous esleuer vostre for-  
 tune & vostre maison sur les ruines de celles de vos fre-  
 res & de vos parents ?

Vous voyez la ville d'Aix, quoy que la moins inte-  
 ressee en toutes les surcharges qu'on veut remettre sur  
 le Pais contre la foy des Traitez solempnels, qu'elle n'es-  
 pargne ny soins, ny perils, ny les biens, ny les vies de ses  
 habitans pour le seul zele du bien de la Prouince : Vous  
 voyez l'exemple de la pluspart des villes qui s'épuisent  
 & se sacrifient pour le salut public : Reuenez donc à  
 vous-mesmes, & conspirons tous également au main-  
 tien de nos libertez, secouons le joug d'une infame ser-  
 uitude auquel on nous veut enchaîner, & ne soyons pas  
 nous-mesmes les auteurs de nos maux, & les instru-  
 mens de nos supplices, nos diuisions ont causé toos nos  
 malheurs, & ont donné tout l'aduantage à nos ennemis :  
 Nous estions trop puissant pour estre abbatus, si nos  
 brouilleries intestines ne nous eussent affoiblis.

C'a fideles Compatriotes, ioignons toutes nos forces  
 contre les perturbateurs de nostre repos, leur perfidie  
 est trop noire, nostre querelle est trop iuste, nos senti-  
 mens sont trop legirimes, & les inrerefts de nostre Pais,  
 & de la gloire de nostre Grand Roy y sont trop engagez  
 pour ne pas concourir à l'vnion de nos forces, & au re-  
 stablissement de nostre repos,



Tesmoignons à nostre bon Prince qu'il est le vray centre de nos affections, le seul obiect de nos desseins, & l'ynique but de nos seruices, faisons luy connoistre avec esclat que nos armes ne visent qu'à luy conseruer vne Prouince qui a esté tousiours inebranlable en sa fidelité, nonobstant que ce Calomniateur l'accuse dās son Libel d'auoir fait de vingt en vingt ans des reuoltes contre la verité de l'Histoire qui luy rend ce tesmoignage public d'auoir esté durant mil six cens ans qu'elle a esté sous diuers Maistres, & mesmes depuis enuiron deux siecles qu'elle a son choix du Maistre qui la gouuerne à present, irreprochable en son obeysance, & qu'elle en a donné des preuues tres illustres en faisant perir vne armee composee de cinquante mil hommes sans auoir apprehendé les deplorables suites du delaissement de ses biens, & de ses maisons; en nos iours n'a on pas veu ce peuple fidele courir en foule à main armee sur ses costes d'vne extremité de la Prouince à l'autre pour repousser l'ennemy qui y auoit fait desente en diuers endroits, & n'a il pas monstré en la reprise des Isles que la Grandeur de l'Estat luy est mille fois plus chere que tous ses biens qu'il y versera si liberalement avec le sang de tant de braues Citoyens.

Grand Roy, nous protestons hautement à vostre Majesté que nous ne defendons nos biens, nos vies, & nos libertez que pour les consacrer entieremēt à vostre seruice: Que nous ne respirons que la paix de nostre Estat, celle de cette Prouince, & la gloire de vostre Courōne, & que quelques efforts que puisse faire nostre Persecuteur pour nous pousser dans le précipice de la desobeysance par vn effet de desesper en la violence des maux qu'il nous fait souffrir, il ne scauroit iamais tant soit peu nous esbranler en l'obeysance que nous vous deuons, ny en la fidelité que nous vous auons vouée.







